

NANORTALIMMI, NARSAMI QAQORTUMILU ANGISUUNIK EQQAGASSALERINERMI SULERIUSEQ NUTAAQ



Eqqakkat angisuut suuppat?

Eqqagassat angisuut tassaapput suut atorunnaakkat, soorlu pequtit, madraasit, natersuit, illumi atortukut, fjernsyynit, cykkilit, aneerussiviit, qerititsiviit, nillartaartitsiviit assigiissaallu.

Nalinginnaasumik atortut atavissut eqqagassanik angisuunik katersisarnermut ilaatinneqanngillat. Tassa assersuutigalugu perusuersartarfiit asaffiillu. Atortut atavissut sanaartornikkut eqqakkatut immikkoortiterneqartarput. Allannortiterinerniit, isaterinerniit, iluarsaassinerniit aammattaaq sanaartukkanit nutaanit eqqakkat sanaartornermi eqqakkatut peerneqartassapput.

Eqqagassanik angisuunik eqqaasarnermut aamma ilaangillat igitassat nalinginnaat, nunniutit, eqqakkat avatangiisinut ulorianartut aammattaaq eqqakkat atoqqinneqarsinnaasut. Taakku immikkut iginneqartarput.

Igitsisarneq

Apeqqutaalluni kommunip
suani najugaqarnerit
eqqagassatit angisuut
igittarnissaannut
assigiinngitsunik
malittarisassaqrpoq:

Katersuisarnermi aaqqissuussineq

Nanortalimmi, Narsami
Qaqortumilu eqqakkanik
angisuunik
katersisoqartarpoq.
Illoqarfinni taakkunani
eqqagassat angisuut



aaneqarnissaat pisariaqartikkukku Teknikkeqarnermut Avatangiisinullu Ingerlatsivik normumut uunga sianerfigalugu eqqagassavit aaneqarnissaat pillugu isumaqatigiissusiussaait:

- ❖ Nanortalik, Teknikkimut Avatangiisinullu Ingerlatsivik, oqarasuaat: 53 75 40 imaluunniit 28 88 48
- ❖ Narsaq, Teknikkimut Avatangiisinullu Ingerlatsivik, oqarasuaat: 49 61 54
- ❖ Qaqortoq, Teknikkimut Avatangiisinullu Ingerlatsivik, oqarasuaat: 64 22 98

Kommunip sianernikkut aaqqiissutaa atoraangakku makku eqqumaffigisassavatit:

- Eqqagassat suut aaneqarnissaat kissaatiginerlugu kommunimut ilisimatitsissutigissavat.
- Eqqagassat aaneqarnissaannut aqaguppat siusinnerpaamik unnukut inississinnaavatit, ullorlu aaneqarfissaanni kingusinnerpaamik nal. 7 inissillugit.
- Eqqagassat angisuut aqqusinnermut qaninnermut inissinneqartassapput.
- Eqqagassat aaneqarnissaasa tungaannut eqqagassat illit akisussaaffigaatit.

Innersuusseriaaseq: Kommunip inoqarfiini tamani illit innuttaasutut aammattaaq eqqagassatit angisuut nammineq kommunip eqqagassanik tiguajoraavianut tunniussisinnaavutit.

Eqqagassat angisuut kommunip eqqagassanik tiguajoraavianut tunniutinnginnerini immikkoortiternissaat eqqaamassavat. Eqqagassat angisuut ima immikkoortiterneqassaput:

- Eqqagassat ikuallatassat
- Eqqagassat ikuallatassaanngitsut
- Savimerngit
- Igalaamerngit puiaasallu

Eqqagassat ikuallatassat najukkanni ikuallaaveqarpat ikuallaavimmut tunniutissavatit. Eqqagassat sinneri eqqaavissuarmut tunniunneqassaput. Igitassavit iginnginnerani eqqagassalerisut attavigikkit.

Arlaannik immikkut eqqumaffigisassaqarpit?


Eqqagassanik pilersitsisut suliffeqarfiup biilii atorlugit inoqutigiinnit eqqagassanik angisuunik igitsisut inuussutissarsiornikkut sullinneqartutut naatsorsuunneqartarput, taamaalillunilu akit allattorsimaffii atuuttut naapertorlugit akileeqquneqassallutik, apeqqutaatinagu igitsisut ilisimatitsinikuunersut imaluunniit isumaqarnersut eqqagassat inoqutigiinnit ataasiakkaanit arlalinniluunniit eqqagassaanersut.

Eqqakkanik angisuunik igitsisarnermut akiliut

Kommune Kujalleq Nanortalimmi, Narsami aammalu Qaqortumi eqqakkanik angisuunut tunngatillugu akinik assigiissaarisimavoq. Tassa inoqutigiit kommunillu suliffeqarfiutai tamarmik sumiiffinni taakkunani katersuisarnermi aaqqissuussinnermut atatillugu aningaasartuutit matussuserneqarnissaannut qaammatit pingasukkaarlugit 13 koruuninik akiligassinneqartassaput.

Paasissutissat sukumiinerusut

Eqqakkat angisuut iginneqartarnerat pillugu apeqqutissaqaruit Teknikkimut Avatangiisinullu Ingerlatsivimmut saaffigininnissamut tikilluaqqusaavutit, imaluunniit Kommune Kujalleq oqarasuaat una atorlugu attavigiuk: 70 41 00



QUJANAQ ANGISUUNIK
EQQAGASSALERINERMI
AAQISSUUSINEQ ATORAKKU